


上海文化出版社







重脩顏氏族譜序

昔先王慮族姓之易淆也爲
之明世系序本支以統一之
而宗法立焉所以合姓綴食
而收族屬於無窮者也顧古

宗法之立不惟敦睦一本其
實家運之隆替門祚之盛衰
舉視乎此故譜牒之傳不可
不講明而切究之也夫父子
相代謂之世世三十年古者

譜三十年小修六十年大修
誠懼其久而失次弗辨昭穆
以爲祖宗怨恫顧不慎與方
正學曰井田廢而天下鮮善
俗宗法廢而天下無世家先

王之民同閭接畝之人舉相
親睦信順而大小宗法行乎
族俾五世百世皆受命於宗
子而悍戾爭鬪之風無自而
起習使之然也又曰睦族莫

重於叙譜由百世之下而知
百世之上察統系之異同辨
傳乘之久近叙親疎定尊卑
收渙散敦雍睦非有譜焉以
列之不可也故君子重之不

修譜者謂之不孝惟我顏氏
得姓小邾而實發祥

復聖先祖周秦以降見諸史傳
者畧具唐建中先魯公譜序
迨元泰定丁卯重修以迄

康熙丙午先曾祖殄世公復
加續緝於今又九十有四年
矣派衍日繁典刑莫考其貧
困目不知書者至忘其所自
出祖父名氏又或散佚四處

流爲異籍予小子實滋惧焉
思以察其流派奠其繫世以
附先砭世公舊譜之後以仰
承

復聖祖垂裕之長而綿力莫繼

獨舉難成謀野則獲匪伊朝
夕之故矣會乾隆甲戌宗望
鹿邑令君懋倫致政歸里因
就商是役君起躍然再拜曰
是吾宗之幸也夫有徵而不

書則爲棄其祖無徵而書之
則爲誣其祖缺其所不知詳
其所可徵不强述其所難據
及今之圖文獻可考也於是
乃遴宗黨之賢且才者分戶

徵實權其財貨所入而開館
於鹿邑君之魯璧別業因董
其成經始丙子之冬閱四載
而後竣嗚乎其難其慎已獨
念我顏氏代居於魯肇自聖

門垂今二千餘年與孔氏盛
衰倚伏家世相仍今孔之族
蕃衍徧天下且餘二萬餘丁
而我族自五季喪亂以迄建
炎南徙荆吳閩粵大半播遷

歷世滋遙編集莫致有足傷
已而江北宗派若中州若廣
川若京兆雖尚僅存碩果亦
無能徧及搜輯惟其附居曲
阜之滋陽寧陽諸支凡若干

彥比族譜
一戶合若干人俱登是譜有不
載者非我族類也按前譜以
康熙丙午方伯宗公修於京
邸而先曾祖時當染疾採集
難周致漢下一戶名多遺缺

崑山一支未經序入然先高
祖師周公舊譜具在元大德
故碑猶存今俱釐正入譜揆
諸舊譜之缺粗稱完善敢云
存宗法於不墜哉顧余所願

登是譜者追惟

先復聖佑啓之厚仰思我

國家歷代優異之榮鑒於今聞
達之喪氣運之衰共加砥勵
側身修行處則必爲孝弟謹

愿之士出則思爲名節當世
有用之人力農桑課詩書敦
本務重人倫無替嫺睦之思
永傳清白之澤則予小子朝
夕懃懇蒐羅放失惟恐隕墜

於斯譜之作以幾幸古宗法
之存庶爲不徒也已

乾隆二十四年歲次己卯冬
十月旣望七十一代孫世襲
翰林院五經博士懷禔謹序

顏氏族譜

八序



五上九言

九

譜序

竊嘗上稽周禮小史掌邦國之志奠繫世辨昭穆
當時宗法大行下達編戶其法有大宗有小宗大
宗百世不遷所謂繼別之宗是也小宗五世而遷
所謂繼高祖繼曾祖繼祖繼禰之四宗是也支別
派分戶各有統而

朝廷亦不賴其維繫之力後世封建廢族姓淆唐以
前猶有官譜自趙宋而下惟士大夫家或私爲之

如廬陵歐陽譜眉山蘇氏譜之類僅等於曉星之
落落而已茫茫九州宗法不復可尋有心者能不
三悼哉求其歷古及今遠有端緒而立戶辨族又
能存宗法之遺意者惟孔族及我顏氏耳孔不具
論論我顏氏我家

累朝以世嫡受世襲翰林院博士可準古大宗分戶
凡十有三各有五服近屬可準古小宗大爲綱而
小爲紀實與孔族相頡頏豈天厚聖賢之家故俾

之獨存古道於不替乎粵惟我顏氏肇自黃帝盛
於祖淵巨公英人代有作者舊族譜載之甚悉魯
公祖嘗作序以紀其概諱伸祖又從而致詳焉緒
不復贅緒之有言亦惟明夫族譜之不可不修而
已程子曰欲厚風俗須明譜系又曰立宗非

朝廷所禁但患人不能行耳是則無譜之家猶當創
講族系創立宗親况我家世嫡承禋羣宗分戶旣
與古宗法相協契而舊譜世代并分源流聯貫又

無典文不足之嘆然則執宗盟者安得不及時加
修緒於是協我宗望精加考核前之有闕文者則
增之後之未發籍者則續之務使祖功宗德炳炳
弗遺子名孫字燦燦可考是舉也以昭世派則爲
親親以闡逸德則爲賢賢由以正家法由以勵門
風可以希孔族謂自奠其繫世可謂自明其宗法
天下聞之倘亦有嘆周禮之在魯者乎然緒亦惟
已責之是塞耳敢自多乎哉

康熙五年歲次丙午春正月壬午朔六十八代孫
世襲內宏文院五經博士紹緒謹撰



譜序

顏氏之有家乘也其所由來舊矣然後世之勒勛
名者必正儀型於祖考先世之樹功德者必待表
章於子孫此譜系之不可以不修明也顏自黃帝
孫名晏安者爲曹姓國於邾中更唐虞夏商不能
紀其傳至周武王克殷封其裔挾爲小邾子挾孫
邾武公名夷甫字伯顏爲魯附庸有功於齊齊威
公命爲小邾子別封其子友於郟嗣後因以顏爲

姓顏之得姓蓋昉諸此以其附庸於魯故世爲魯
卿大夫奕葉相傳以至無繇無繇生子淵父子俱
師事孔子子淵德冠四科爲聖門高弟歷代帝王
封贈有加屢禋不絕歷唐宋元明以迄於今或封
侯或贈公或尊先師或謚復聖先大賢之享榮號
於後世也亦甚燁赫矣哉厥後繼先大賢而起者
代不乏人爲之節舉其畧如京兆尹之流傳善政
關內侯之孝弟名里大中大夫之深明易禮書詩

此其最章章者矣至弘都公之誠感兄夢入棺復
甦君道公之匍匐父喪抱柩息焯見遠公因梁祖
受禪不食慟殞孝子忠臣屢見於冊俱足爲先大
賢增輝前後者也若撰日月災異諸書著家訓證
俗等篇講論經義校定書史工篆籀精詁訓及九
河高松作賦當場黃土埽壁草聖擅名其克嫻文
字者又不一而足顏氏何多俊傑也洎昕門公諱
杲卿者與兄春卿弟曜卿正色立朝舉劾無所迴

避後因祿山之亂罵賊鉤舌而死令嗣季明公俱
爲賊所害嗚呼生爲國士死爲忠臣昕門公父子
真克振家聲者矣逮去惑公之工詩判令乾公之
精班漢俱載碑記中不具數以及清臣公博學宏
詞歷官至魯郡開國公食邑三千戶緣李希烈叛
毒虐萬計脅公改節公抗志不從遇害於龍興寺
與昕門公一門忠孝千古無雙凡先世有功德者
公俱作碑銘以表之令狐恒神道一碑又足爲公

誌不朽矣此在唐之最表表者迨五季之亂宗支
離散惟四五代孫文威文蘊文鐸兄弟隱魯之
嶧山幸存於魯至周太祖廣順二年行在曲阜以
堯公後四十六代孫涉授曲阜縣主簿銜爲戶部尚
書後仲昌公至淳化二年講五經賜第太初公號
鳧嶧先生長道公爲東魯名儒其餘或顯於宋或
仕於元或通籍於明以勛業著聞者難以枚舉沿
至五十九代希仁公號景哲先生時在正統十一

年問欽定主奉祀事陳修祖廟御制鼎新追崇之
典於斯爲烈詎後顏希惠詐稱嫡支冒授翰林院
五經博士以僞雜真是非大亂至天順五年希仁
公長子議赴京具奏行巡按山東御史改正將希
惠革職令議承襲奉祀惟時

天子幸學欽取孔顏孟三氏子孫陪祀冠帶錫宴又
賜第宅於京入覲馳驛定爲常例其後嫡支世襲
翰林院五經博士主奉祀事自明迄

清未之或改此顏氏家世之大凡也因思我顏氏自
先大賢而下忠臣烈士孝子悌弟振古鑠金輝映
前後歷代帝王恩禮之隆自大聖人之後卒無有
過此者後世子孫爲大賢之後則當法大賢之行
食大君之祿則當忠大君之事且文獻家乘非異
人任也今博士孫砮世恐譜系散佚支派混淆重
爲修輯時問序於敏敏備員西籓自分謏劣不能
如清臣公作神道碑銘以闡揚先烈然表章之責

舍敏誰歸故於先世德行之最表著者畧爲序述
其績懋於前名垂於後載在家乘班班可考使後
世子孫觀是譜者旣識先大賢之所由來復知後
繼統之所由正則博士孫砮世修明之功甚偉而布
政孫敏亦得潤徽音於萬一也豈不幸哉

時

康熙五年歲次丙午春正月壬午朔六十五代孫
賜進士第資政大夫陝西布政使司左布政使敏謹

序



顏氏族譜

序

八

漢書卷之九

九

世系譜序

顏氏之先出自黃帝之孫晏安爲曹姓其裔邾武
公名夷甫字伯顏子友別封郕爲小邾子遂以顏
爲氏世爲魯國卿大夫孔門達者七十二人顏氏
有八回居四科之首其後戰國有率躅秦有芝貞
漢有異肆安樂魏有斐盛盛字叔臺歷青徐二州
刺史關內侯其後子孫咸著宦族有若弘都之德
行巴陵記室之書翰特進黃門之文章秘監華州

之學識肇自魯國迄於聖代紛綸盛美舉集於茲
述遵前人不敢失墜建中元年歲次庚申秋七月
癸亥朔四十代孫光祿大夫行太子少師克禮儀
使上柱國魯郡開國公真卿重修顏氏家譜序

世系譜序

顏氏世爲魯卿大夫魯國之族爲蕃衍孔門達者七十二人顏居其八

回父無繇其次曰辛字子柳曰高字子驕曰祖字子襄曰之僕字子叔曰何字子冉曰噲字子聲皆魯之宗人也

回居四科之首配享宣聖歷代崇奉褒封優異子孫宗派備在家譜唐末宦遊者衆五季之亂宗支

離散惟四十五代文威文蘊文鐸兄弟隱魯之嶧山幸存於魯文威號虛中先生後周太祖廣順二年行在曲阜以

竟公後四十六代孫涉

文蘊子

特授曲阜主簿衍

文鐸子

戶部尚書俱葬侍郎林也以下族屬皆由此出歷宋迄金散居隣邑者有之至泰定帝五十餘代舉集於茲謹述前修於昭不已泰定四年歲次丁卯冬十月乙未朔五十四代孫族長寶慶路教授伸

重修譜序元統三年歲次乙亥夏四月癸丑朔五
十六代孫儒林郎秘書郎之恪命工重刊

顏氏世居廟宅宗派紀

堯國復聖公配享

宣聖通祀天下立家廟於魯宗枝流行奕葉聯綿遂
旋繞而居之曰俱依

堯國復聖公廟陋巷故宅之側蒙恩蠲除徭役奉祀
永守其基丁酉年間欽奉

聖旨詔書內該並不得夾帶他族欽此除欽遵外除
內一十六戶外雖有顏其姓者皆非我族也慮久
而後恐以假亂真故特載於譜序之末以示宗族
明其血脉之源也時乾隆己卯仲冬月日紀

請館在事職名

一 鑒定

世襲翰林院五經博士加四級

顏錫嘏

一 鑒修

江蘓揚州府興化縣知縣

顏崇棗

一 司編

恩貢生

顏崇儒

丁酉科舉人海陽縣教諭

顏崇奭

一分編

廩生

顏崇汧

儒童

顏崇雅

廩生

顏懷銘

庠生

顏士燈

增生

顏士警

儒童

顏士枋

一校閱

辛酉科舉人

顏崇東

候選訓導

顏懷志

廩生

顏士雯

附生

顏士源

一收掌

恩貢生

顏懷庚

林廟舉事

顏錫規

一供給

恩貢生候選教諭

顏崇榘

恩生

顏士培

一督刊

儒童

顏錫埜

恩生兼理林廟舉事

顏士壩

一司庫

恩貢生候選教諭

顏崇榘

修譜凡例

我顏氏族譜創自唐建中時歷代纂修茲距乾隆
已卯大修後又四十五年矣嘉慶甲子謹同合族
開館編輯並列凡例于后

一舊譜向列二圖今仍其舊一爲嫡裔一爲各戶分
支庶大宗小宗原委清晰開卷瞭然

一舊譜向分十六戶今仍其舊

一某戶某代共若干人現在若干人俱詳註於本戶

本代之下以杜私入之弊

一族人填註格式向具三世履歷茲因溯至巳卯未
逾週甲只填祖父二代並註明年歲村莊違者不
准收入

一格式內既註子幾人名某又必須其子自具格式
以便分代總列其編次只據本代格式開列不得
照前世掛名序入違者查出卽是分編私弊定卽
除去若無本人格式非早夭逃亡卽緣事屏黜矣

後世修譜只宜依本代註名爲憑不可援前代掛名爲據以杜牽引指借假冒諸弊

一格式內有序至三代以上並無大名與夫冒認無傳絕支者概不準入

一給散格式皆擇各戶中公正有名望之人協同辦理不專責之戶頭戶舉

一族人原散處本州本縣境地或有徙居他郡他邑者譜中必誌其自何代何名遷徙俾人共聞知以

防假冒混淆諸弊戶頭亦便稽查

一凡譜中族人散居他縣有不自愛惜夾帶他族冒入一人者查出將本支一並扣除

一族中或有不幸乏嗣宜過繼者先近支而後遠房如五服內無人則該戶併戶頭報知舉事族長請於宗子于戶內擇倫序不紊年歲相宜性行醇謹堪以承業奉養之人同其本宗父兄寫立公據存照必於譜中本生父名下書第幾子某出爲某支

某人嗣其嗣父名下書以某支某人第幾子某爲
嗣格式朦混者不准收入

一族中有不幸無子不擇本支及旁支從子過繼而
直以從孫爲嗣是以孫禰祖隔代相承本屬不合
追觀孔子世家譜中固多以姪孫嗣以族曾孫
嗣者姑從之

一族中近代諸公爵位雖有崇卑德行不無隱顯或
功業被於四方或惠澤洽於閭里各爲立傳載於

本名之下其耆年隱德爲閭里素所推服者亦畧
舉行實以勵後人至現係生存止載其名爵出處
德行功業槩不紀錄以俟他時論定

一節婦烈女且載於郡縣志乘况族譜爲一家之書
凡矢志撫孤節操炳著繼承宗祧啟佑後昆者於
夫子名下標著姓氏紀其梗概上不忘朝廷旌表
之榮下以昭茹蘖吞冰之苦

一族衆格式俱交收掌俟齊集後收掌交校閱分編

別派分代序次清析卽註底稿註完對校無訛乃
謄草冊冊完一人執草冊一執舊譜一按格式三
面對正必期一無遺誤乃謄真冊謄畢再行校清
乃將草冊交替刊付鐫如有錯誤督刊罰賠工料
換補

一族譜付刊後収掌卽將各戶格式真本彙繳宗子
封固存貯譜成後倘有族人誣稱遺漏妄指增添
者公同查對以免紛更

一是譜經始於嘉慶癸亥九月散式於甲子九月開館於乙丑五月告竣共新人四千二百八十八人凡糜金錢陸百二十七緡有奇

一舊譜於十六戶告成後所有流寓他縣者另序支譜附於大譜之後既不失合族之道亦所以杜混冒之端今仍其舊

一譜例向係六十年大修今此次重修只四十五年其里居名字稽察已難周悉此後族姓繁衍日盛

泗分戶之圖

端一希一紹一崇一仁一璋

紹

廣福寘政珣積至

廛祥就深

友秩之固
父稗之友
之祖

亨禾之載溥

楷

檜

希筠 希敏 希懋 希裡 希嘉 希漢 諒

公忼 公亭

陶樂戶 防山戶 漢下戶 臨泗戶 泗東戶 泗上戶 萃溪戶 龍灣戶

顏氏宗傳總論

顏氏之傳自

復聖祖以下單傳者二十二世至二十三代祖敷公
乃有子二曰斐曰盛斐公二子魯歡失傳自是之
後顏氏子孫皆盛公之後矣盛公傳至三十三代
有七公惟見遠子協公有傳餘俱失傳自是之後
顏氏子孫皆協公之後矣協公有子四之儀之推
之奇之善之奇失傳之儀二子道昶失傳之善二

子頤隋偃失傳自是之後顏氏子孫皆之推公之後矣自之推公傳至四十五代其間寢盛寢衰五季之亂徙居他方者有之惟文威文蘊文鐸三公隱魯之嶧山歸守祖廟文威五世孫嶢岐等十一公俱南徙不序列文蘊二世孫匡朗等四公失傳文鐸三世孫曰端端有子三曰繼曰希曰紹自是之後顏氏子孫皆繼希紹三公之後矣自繼希紹三公傳至五十六代惟之美之習之恭之昭之堯

之祖之載之紀之恒之古之益之祖之固之問之
友十五公有傳餘俱失傳自是之後顏氏子孫皆
十五公之後矣自十五公並傳迄於今七十餘代
瓜瓞綿延編於陋巷今分爲一十六戶顏氏之盛
未有甚於此時者矣先是至元年間分爲一十三
戶彼時各因村疇合居定戶原未照宗支分派甚
至有一公之後在二三四戶不等親疎失序有垂
倫紀自今某公或專爲一戶某公繁衍或分爲二


三四戶某公單弱或二公共爲一戶或三公共爲一戶惟泗臯一派係五公之後共爲一戶磁山一支實五十一代成公之裔並紀於譜次之末此顏氏相傳之大畧也

乾隆己卯仲冬七十一代孫主鬯懷禔謹識

顏氏族譜

姓源

顏氏之先出自黃帝黃帝生昌意昌意生帝高陽帝
高陽生稱稱生卷章卷章生吳回吳回生陸終陸
終生六子其五曰晏安爲曹姓國于邾歷唐虞夏
商不能紀其傳周武王克商因封其裔孫挾爲小
邾子挾生非非生成成生車輔車輔生將新將新
生訾訾父訾父生夷甫字伯顏謚武公春秋邾武公



為魯之附庸故公羊傳稱顏公有功于齊齊威公

命為小邾子別封其子友于郕子孫以父字為姓

氏以其附庸于魯故代代仕魯為卿大夫夷甫生

友友生爽爽生連連生皦皦生鳴皆魯大夫鳴生音為

司寇音生羽羽生訓訓生簡簡生箱皆魯大夫箱生翹

翹生景景生整整生恤恤生求皆為司寇求生無繇

無繇字路

師事孔子為魯卿士唐立宗開元二十七年贈杞伯宋真宗大中祥符二年進封

曲阜侯元順帝元統三年進封杞國公
謚文裕娶齊國姜氏夫人謚端獻誕育

復聖顏子

一代

諱

字

子淵

為孔門高弟德冠四科唐太宗貞觀二年尊為先師高宗總章元年贈太

子少師睿宗太極元年贈太子太師立宗開元二十七年追贈先師兗公宋真宗祥符二年進封兗國公元順帝元統三年加封兗國復聖公夫人戴氏謚貞素明嘉靖十二年改謚復聖顏子娶宋國戴氏生子歆

二代

歆

字子林魯大夫娶齊國姜氏一子儉元泰定三年從祀配享

三代

儉 魯大夫一子威元泰定三年
從祀配享

四代

威 魯下大夫
一子芑

五代

芑 魯下大夫
一子億

六代

億 魯大夫
一子岵

七代

帖

魯大夫
一子卸

八代

卸

字伯伸秦大夫
一子譽

九代

譽

秦舍人
一子產

十代

產

項羽聞其名聘之不受
一子異

十一代

異 字世仁 漢大夫
一子愚

十二代

愚 漢卿士
一子達

十三代

達 漢大夫
一子隸

十四代

隸 一作肆 字季達 漢武帝尚書郎 會稽都尉 書傳
作駟 一子裏

十五代

裴
一作忠郡工曹從事鞏令
一子凱

十六代

凱
字季卿張禹薦于朝為安成大守
一子遠

十七代

遠
字景深郡上計吏
一子龠

十八代

龠
字茂宗舉茂才
一子綽

十九代

綽 字參道為太守
一子準

二十代

準 始仕為從事復高尚不仕
一子阮

二十一代

阮 字懷珍舉有道不起
一子亮

二十二代

亮 字世明為郡督郵見冀州刺史王統碑
一子敷

二十三代

敷

字士榮舉茂才至御史大夫
二子斐盛

二十四代

斐

京兆尹有善政
二子魯歡

盛

字叔臺一字叔震漢尚書郎
魏歷青徐二州刺史關內侯

娶沛國劉氏四子欽曾興士光始自魯國徙居
瑯琊臨沂代傳孝恭因號其居為孝弟里葬臨

沂縣西七里今屬費縣
宋元祐七年詔禁樵採

二十五代

魯

無傳

歡

無傳

欽

字公若明詩
禮易尚書多

所通學者宗之歷中郎將司馬大中大夫東莞
廣陵太守給事中引直禁省葛繹縣子諡曰貞

七子默平協

曾二子

興

雅閔永考

徹獻

士光一作士先

二十六代

默字靜伯汝陰太守護軍將軍給事中襲葛繹縣
子唐大曆五年四十一代孫真卿立碑于汝州三

子畿
輦含

平

協

雅

閔一作敏字叔明
晉散騎常侍

永

考

徹

敵

二十七代

畿

字世都
無傳

輦

襲葛繹子
無傳

含

字弘都少
有操行以孝聞

兄畿咸寧中死托夢當復生發棺而氣息甚微
闔家營視母妻不能無倦公乃絕棄人事躬親
侍養足不出戶者十有三年本州辟不就東海
王太傅叅軍闔陽令瑯琊令丞相祭酒東陽太
守太子中庶子黃門侍郎本州大中正散騎常
侍光祿勳晉成帝羨其素行就加右光祿大夫
致仕門施行馬賜床帳被褥敕大官四時致膳
固辭不受公所歷簡而有恩明而能斷然以威
風御下王導嘆曰顏公在事吳人斂手矣時桓
溫求婚以其盛滿不許因誠子孫曰自今任官

不可過二千石婚姻勿貪世家致仕二十餘年
 享年九十三謚曰靖侯唐大歷六年四十代孫
 真卿撰太宗碑銘曰鑠吾祖渡江澍孝通神名
 軼古凡七葉葬白下本支分源流傳世忠義疊
 規矩翬鸞鳳炳龍虎文雅渙學鄒魯赫才各振
 區宇亘今昔難悉數嗟末孫慙下武揚耿光愧
 無取豐碑立百世覩娶魯國
 孔氏三子髦謙約

二十代

髦

字君道少纂家業惇于學行父喪在殯鄰家失
 火公與二弟謙約抱棺號呼燦燦垂至忽爾頓
 絕人以爲孝感儀狀嚴整風貌端美桓公見而
 嘆曰顏侍中廊廟之望也歷太尉西陽王散騎
 將軍尚書都官郎中大中正給事黃門侍郎以
 父老不就靖侯薨襲爵西平侯加給事中晉陵

臨川潯陽太守侍中本州大中正加秩中二千
石光祿勳諡曰定娶東莞童氏濟陰江氏六子
綝綸矯
朗暢紹
謙字子讓安城太守一子熙約零陵太守一
子顯一作顯

二十九代

綝字文和州西散騎都尉
西平侯二子靖之秉之

綸正廷尉

矯早逝

朗一作明
早逝

暢州西曹一子
邵之

紹

熙散騎常侍
二子根實

顯護軍司馬三
子系之延之

坦之

三十代

靖之

字茂宗郡主簿西中郎行泰軍宣城太守司徒咨議大夫御史中丞三子騰之遵之承之

秉之

字敬宗散騎常侍二子茂之希之

邵之

領軍司馬竟陵太守

根

字道熙治書御史晉安太守

實

字道安御史大夫永安太守

系之

益州刺史

延之

字延年散騎常侍湘東王師贈特進金紫光祿大夫

諡曰憲銘曰曠彼瑯琊實為海宇誰其來遷時問遠祖青州隱秀奚始貞居內辭鼎府外秉邦間建節中平分竹黃初刑清齊右政偃營區葛釋明聰平陽總理式薦公庭咸登宰士列羨霸朝雙風千里華萼之茂於昭不已四子峻測夔躍

坦之

東陽太守

三十一代

騰之

字弘道善草隸書有風格歷州西曹主簿度

支校尉治書御史巴陸太守五子興之炳之

秦之吾

昌思遄

導之散騎常侍二子

恭之

司徒譙王主簿

茂之

四子楚

希之

郎中新安太守

竣

字士遜丹陽尹吏部尚書

測

臨淮太守

夔

右將軍東陽州刺史

躍

東湘太守

師伯

字長淵待左右僕射

丹陽尹平都子

師仲

中書侍郎

師叔

僧叔

以下七公見志

僧超

徐州刺史

徽之

散騎常侍

三十二代

興之 安寧太守
一子登

炳之 字叔豹以能書稱歷輔國
江夏王泰軍奉朝請員外

散騎常侍二
子見遠宣仁

泰之 一子
幼明

吾昌

思遄

文昌

蔡之

楚

梵 三子彬
翻儼

颺

霈

幹

三十三代

登 字康之梁鄱陽
王府郎中無傳

見遠 方正不混於俗博學有志
行正色立朝有當官之稱

梁高祖受禪不食發憤痛哭而絕武帝恨之曰我自應天從人何與天下人事而顏見遠乃至如此歷安城王侍郎征西叅軍宣仁巴陵王治書御史兼中丞一子協

幼明

征虜記室晉駕部郎中註靈棋經

彬

翻

廣州刺史一子歆之

儼

積

中書郎見志

三十四代

協

字子和湘東王右常侍領西記室享年四十二撰晉仙傳五篇日月災異圖二卷文集二十卷

事具梁書四子之儀之奇之推之善

歆之

一子邈之

挺

山陽太守以下二公見志

誓

交州刺史

三十五代

之儀

字子升周麟趾學士御史大夫平陽縣公隋文輔政不署矯詔索璽書又拒之出為集州

刺史新野郡公時朝朔望引至御榻曰見危受命臨大節而不可奪古人所重何以加卿事具

周書享年四十五

二子冠昶

之奇

之推

字子介湘東王右常侍鎮西墨曹散騎常侍奉舍人事密奉朝請趙州功曹待詔文林館

司徒錄事通直散騎常侍中書舍人黃門侍郎

平原太守同御史上士隋太子文學著家訓二

十篇冤魂志三卷證俗音字五卷文集三十卷

事具周書娶陳郡殷氏三子思魯愍楚游秦

之善

隋業縣令二子頤隋悝

邈之

三十六代

道

祖 寧仁

思魯 字孔歸博學善屬文

尤工詁訓常與劉臻講論經義臻屈服焉歷北齊衛府行參軍隋秘書省校書郎長寧王侍讀踰岷將軍唐師入關率子弟迎于長春宮拜儀同秦府記室娶陳郡殷氏四子師古相時勤禮育德

愍楚 直內史省

游秦 典校秘閣

頤隋 汝南侯侍讀

思

三十七代

師古

隋安陽南海二尉直秘書省校書郎唐師入關授朝散大夫燉煌公府文學遷起居中書

二舍人專典機密太宗即位拜侍郎瑯琊男遷
秘書少監奉詔校定經史修五禮成進爵子終
秘書監銀青光祿大夫弘文崇文兩館學士從
征遼道卒享年六十五謚曰戴一子趨庭

相時

字睿思天策府學士
禮部侍郎

勤禮

字敬之幼
而朗悟識

量宏遠工於篆籀尤精詁訓授朝散大夫校書
郎領左右府鎧上輕車都尉直秘書省雍州泰
軍著作佐郎詹事主簿太子直監崇賢弘文兩
館學士永徽元年三月制曰君學藝優敏宜加
獎擢拜蔣王文學陳子展遷曹王友陞著作佐
郎出為虢州刺史太宗命蕭鈞贊曰依仁服義
懷文守一履道自居下帷終日德彰素里行感
蘭室鶴鑰馳稱龍樓委質當代榮之七子昭甫
敬仲殆庶無恤
育德 太子通事舍人司經校定
辟非少連務滋 書史三子康成彊學希莊

二十八代

利仁 秘書郎以下三公見志 有意 沔州刺史 博古 延陵丞

趨庭 字茂實文皇帝挽郎朝散大夫職方郎吉州刺史一子尚賓

揚庭 符璽郎蔣王侍讀太子通事舍人以下至益期七公見志

東庭 早逝 旅庭 光庭 職方郎涉縣令註後

漢書 幹庭 欣期 著作郎

益期 詳正學士 昭甫 字周卿少聰穎而尤工篆隸草書與內弟殷仲容齊

名而勁利過之特為伯父師古所賞凡所註釋必令叅定焉歷汝南郡太守曹王屬晉王侍讀

有獻玉鼎篆書二十餘字舉朝莫能識公盡讀之至德三載贈華州刺史孫真卿上表謝肅宗批答云卿之乃祖嘗為碩儒既高倚相之能遂有臧孫之後不墜其業在卿之門式覃追遠之思俾榮貽厥之慶加贈方岳以表哀榮所謝知娶陳郡殷氏二子元孫惟貞

敬仲 吏部郎中平昌縣男劉玄子撰神道碑

殆庶

無恤

辟非

少連

務滋 以上五公皆有學行

康成

永徽二年狀元擢制科太子舍人崇文學士

強學

進士制舉校書郎

希莊

進士銀青光祿大夫和州刺史九子貞固同寅景純昇庠昭伯唯亨恭敏攸止知微

中和

渝州刺史以
下三公見志

日損

大基
丞

嘉賓

三十九代

尚賓

右率府親衛鄜州司功監州錄事下邳令
一子鼎

隱朝

進士拔萃河北尉以下
至景靈九公見志

匡朝

胸山
令

元淑

校書
郎

志正

下邳
令

志恭

志廉

右衛翊
衛

志謙

贊善大
夫

志宣

殿中侍御
史

景靈

校書郎

元孫

字聿修少孤養于舅氏殷仲容家聰銳絕倫
年十歲李逸聞其劭俊請與相見座中試安

石榴賦少頃君援翰立就不加點竄李逸大驚
嗣聖元年舉進士素未習尚書六日兼注畢究
省試九河銘高松賦考功郎中劉奇特榜標之
銘賦二道旣麗且新名動天下解褐彭城簿歷
登封長安二尉洛陽丞著作佐郎太子舍人時
立宗監國獨掌令誥當時以爲綸言之最蒙命
召或以次進立宗曰今日非也喚長舍人來遂
御小殿賜食因出諸家書跡數十卷曰聞君能
書可爲寡人定其真僞君分別以進立宗大悅
因賜牋藤筆墨衣服等物嘗和遊苑詩御札八
分批答曰孔門稱哲宋室聞賢翰墨立捷莫之
與先出爲潤州長史遷除沂二州刺史終朝散
大夫濠州刺史上柱國開元二十年秋七月三
日卒文集三十卷干祿字書一卷並行於世廣
德二年三月二十日制曰故濠州刺史上柱國
顏元孫懿道淳茂宏材特達傳經成業聚學爲

文清白著於家風聞望光於遴選久膺敷歷爰
寄藩侯政有其方績宣其用未登大任遽迫流
年九原不作郡邑存其遺愛二子象賢艱難立
其名節忠能徇國孝在榮親贈以世官揚其大
烈可贈秘書監姪真卿上表謝代宗批答云卿
之先伯當代詞宗道蘊經國行推人表上宏祖
德下獎門閥鄭公不亡臧氏有後雖雲露之澤
自葉流根然訓誨之方因父見子永惟盛烈式
寵代官不朽者名斯爲極矣真卿撰神道碑銘
曰瑯琊世父明德是矩孝以仁親忠期轉主周
旋禮法精究訓詁行懋珪璋文彪龍虎高標天
府震耀區宇前載千官歛覩王畿就列赤
縣斯偃棣華文輝灑翰如甫洛陽毗貳著作布
武載筆龍樓覲光龜組元宗褒彝爰發儔伍不
入掖垣翻飛江滸淮沂其典憲斯侮望開爰
歸優游不吐名公虛左濠上爰撫方俟同升遽

迫多祐一麾屢黜百贖奚補翼子多方教忠則
 臚吁嗟太保為國干櫓取義舍生悲今邁古皇
 恩自業超贈秘府存歿哀榮幽明赫臚真卿追
 痛銜恤靡怙牽綴銘功恨非靦縷五子春卿杲
 卿曜卿旭卿茂曾

惟貞

字叔堅少孤育舅氏殷仲容家蒙教筆法貧
 無紙以黄土掃壁畫而習之故草隸擅名天

授元年判入高第授衢州叅軍温縣永昌二尉
 代兄為長安尉遷太子文學拜薛王友加勳上
 柱國因伯姊御史大夫張知秦妻魯郡夫人亡
 將塋數占君不宜臨壙君哭而拒之曰豈有忘
 手足之痛牽拘忌而忍自絕乎弗聽其年秋七
 月卒累贈秘書少監國子祭酒太子少保子真
 卿上表謝肅宗批答云卿之先人德行優著學
 精百氏藝絕六書頻擢巍科屢陞循政曳裾王

府名右鄒枚載筆春宮道高徐阮旣而壽華華
髮青雲業在史臣慶傳令子追存咸美褒贈崇
班且旌善於義方俾揚名於有後建中元年秋
七月子真卿撰家廟碑曰系我宗邾顏公子封
郕魯附庸亞孔聖浴沂風刺青徐給事中護柳
營渡江楓侍兄疾感童隣火斷珥貂重施七
葉傳孝恭武騎都尉司從便尺牘繼魚蟲慟君
難憤而終咨記室游湘東嗟禦正凜移忠衆黃
門擅文雄三昭長事東宮四穆叔史宰籠褒華
州詁訓通小秘書盛名鴻維太保文翰工位畿
赤五褒崇登望苑友桂叢三超贈保儲躬流光
盛廟貌融永不祧垂無窮七子闕疑允南喬鄉
真長切輿
真卿尤臧

會宗

襄陽泰軍以下
至潤四公見志

孝友

楚州
司馬

澄 右衛翊衛

潤 涪城尉

貞固

同寅

景純

昇庠

昭伯

唯亨

恭敏

有德行明漢書武功

尉

攸上

知微

制舉伊闕丞

大知 并州錄事參軍以下二公見志

隣幾 校書郎

四十一代

昂 一子超

晃 有清節饒陽司士以下至撰九公見志

允濟 好屬文榆次尉

挺 萬年尉

廣成 將軍

此必多說
已三表其情也
身中之有典平
處身不與之

播

援

據

揆

撰

春卿

以明經擢第拔萃科

歷浦蜀二縣尉舉茂才

翼城丞偃師丞

杲卿

字昕門廕補齋郎江

遂二郡司法方正精敏開元中與兄春卿弟曜卿尤南書判超等同日升於鈴庭當官正色舉劾無所迴避以清白聞名除韓南判官功遷鄭州司兵魏郡錄事范陽戶遭安祿山營田判官充光祿寺丞遷河北度支判兼節度行倉朝散大夫太常寺丞兼常山太守祿山反開土門拜衛尉郎御史中丞制書下城陷祿山讓公曰我擢汝為太守何負於汝而乃反乎公曰吾代受國恩官職皆天子所與汝叨受恩寵仍懷悖逆吾寧負汝豈負本朝乎臊胡狗何不速殺我叱

罵不已遂支解鉤舌而死初公被懸首於右金
吾街樹有張奏者哀其髮取謁玄宗俄見夢云
禦捍處多馬兵少玄宗哭而設祭焉後奏以髮
至夫人疑之凭床而哭忽聞聲如鞭床者發箱
髮相跳而前夫人驚駭信之年六十五乾元二
年贈太子太保謚曰忠節子姪爲賊所害者八
人並贈五品建中元年重贈司徒弟真卿上表
謝肅宗批荅云自逆賊猖狂入我河縣所在官
吏多受迫脅卿兄以人臣大節獨制橫流或俘
其謀主或斬其元惡當以救兵懸絕身陷賊庭
傍若無人歷數其罪手足寄於鋒刃忠義形於
顏色古所未有朕甚嘉之盛烈旣冠於當時寵
名宜及於泉壤所謝知
三子泉明威明季明

曜卿

工詩善草隸年十六詞學直崇文館歷城丞
終朝散大夫淄川司馬六子翰明通明沛明

襲明徽明

德明

旭卿

美丰姿善草隸亂山令
三子翹仙期準

茂曾

訥言敏行頗工篆籀嘉陵司馬
三子靚靚峴

闕疑

孝友仁讓專精詩傳春秋杭州叅軍
二子顥慈明

允南

字去惑孝弟聰睿工為詩判屢入高等家常
有折脛鶴真卿少年時戲書其背君切責之

曰此雖不能奮飛豈不惜其毛羽奚不仁之甚
耶其惻隱如此開元十五年以挽郎入高第授
鶉觚尉右衛兵曹領軍錄事江南經畧判官大
理評事左補闕吏部侍郎真卿為殿中侍御史
每至朝賀宰相以下登殿者不過三十人而公
與真卿二人拱法座于含元殿蹈舞而交接焉
故公賦詩云雖言百人會兄弟也霑陪遷殿中
侍御史忤楊國忠貶襄陽丞移河東司戶京兆

士曹屯田員外司膳司封二郎中時真卿以尚
書兼大夫允臧又爲殿中兄弟三人同時登臺
省時欽羨焉尋爲國子司業累官正議大夫上
柱國金鄉縣男享年六十九弟真卿撰神道碑
銘曰莊嶽熊渾清沂駿奔英靈孕育生我仲昆
維我仲昆邦家之藩孝仁是履愷悌是惇清識
冰澈韶儀玉溫詞華藻絢翰墨雲繁通究理體
精詳政源爰初發跡屢振瑤琨邑尉何陋評廷
不寃袞衣補闕繡服榮敦神州列掾會府掌屯
司膳王封廻簿飛騫乃佐教胄載光儒門未登
鼎鼐奄謝鴻鴛伊昔不造實賴能存下光棣萼
上絜晨食惟君教導曷惠拯援今旣絕矣哀摧
忍言何以寘懷勒銘忠諷垂諸來裔翼子謀孫
二子頰頰

喬卿

仁友精晉史有吏才富平尉
四子頊頔頤頔

真長

清直舉明經進士早逝

幼輿

字令軌仁和蘊藉精班漢書進士齋郎歷新息簿

左衛率府兵曹賜緋魚袋天寶九載七月三日卒年四十八弟真卿撰神道碑銘曰兵曹樂只於穆不已華州之孫少保之子温温體度嶷嶷容止非禮勿言惟德是揆人倫領袖宗廟簠簋佩服典常頽精文史汾睢藏事新息入仕忠益上官總持綱紀奉養繼母必躬珍旨綏族紀宗羣居咸喜歌舒授律石堡俟倚命我翊戎寵章斯被鯁溟未運鴻漸伊始不與之年云如何里宗敬安仰嗣徽昭美合葬既遵從周有斐予嗟窘束不獲躬視寫恨立名告哀中祀三子頌頂願

真卿

字清臣景龍三年生少勤學業以孝聞有詞藻尤工

書開元二十二年登第校書郎又擢博學宏詞科受醴泉尉清白多聞除長安尉歷三院御史

制云文學擅於登科器幹彰於適用宜先汗簡
之職俾佇埋輪之效時五原有冤獄不決公理
之時方久旱而甘澤立應郡人呼為御史雨遷
平原太守兵部員外戶部侍郎兼領平原郡防
禦使又加河北採訪招討使仍賜詔書云卿之
一門義冠千古肅宗卽位賀上皇表批答云克
逆亂常侵侮中夏潼關失守京國不寧朕因涉
岐梁至於巴蜀遂命皇帝肇登寶曆爰靖妖氛
今官軍益振回紇効款卽擬南行共為剪威卿
惟忠則奉國孝則保家懷不二之心秉難奪之
操皇帝累申寵命兼以崇班宜有懋於深功且
用先於重守遷工部尚書憲部尚書貶馮翊太
守除昇州刺史充浙西節度兼江寧軍使除刑
部侍郎乾元三年庚子公年五十二為刑部侍
郎八月貶蓬州長史員外遷刊州刺史除戶部
侍郎改吏部侍郎除江陵尹兼御史大夫荆南

武宗元年
元二二二二
唐子如之元
年子

節度觀察使除尚書左丞檢校貶陝州別駕吉
州別駕遷撫州刺史湖州刺史本州團練守捉
使拜刑部尚書充禮儀使拜太子少保使如故
遷太子太師積官至光祿大夫初封丹陽縣子
進爵侯後又進爵公改封魯郡開國公食邑三
千戶前後歷官三十三集四十二考建中四年
宣尉李希烈叛陷汝州詔公爲淮寧軍宣慰使
乘驛馳至希烈相見宣傳詔意詞不屈志不撓
賊黨乃交刃脇之公視之凜然責以悖逆遂拘
公虐毒萬計期公毀節公曰願假一劍豈勞多
端服義而終乃其所也賊竟不敢逼後移蔡州
有移蔡帖云貞元元年正月五日真卿自汝移
蔡天也天之昭明其可誣乎有唐之德則不朽
耳十九日書是年八月二十四日遇害於龍興
寺春秋七十七明年淮泗平二子迎其喪陳仙
使護喪歸儀伏送葬中使弔祭賻錢五十萬粟

三百碩朝野莫不哀傷德宗痛悼異常廢朝五日諡曰文忠復下詔曰君臣之義生錄其功歿厚其禮况才優匡國忠至滅身朕自興嘆勞於寤寐故光祿大夫守太子太師上柱國魯郡開國公顏真卿器質天資公忠傑出出入四朝堅貞一志屬賊臣擾亂委以存諭拘脅累歲死而不撓稽其盛節實謂猶生朕致貽禍慙悼靡及式崇嘉命兼延爾嗣可贈司徒仍賜布帛五百端二子頽碩等制終所司奏超授官秩史官曰如清臣富於學守其正全其節是文之傑也苟無盧杞惡其直若任之為相遂行其道豈有希烈之叛焉贊曰自古皆死得正為順公之云亡萬代垂訓按藝文志行狀神道碑公左吉州有廬陵集十卷刺撫州有臨川集十卷刺湖州有吳興集十卷韵海鏡源三百六十卷為禮儀使有禮儀集十卷今并逸而不傳文集十五卷見

傳於世前後所上表章撰述碑文俱載文集正
議大夫行太子右庶子史館修撰上柱國晉昌
縣開國男令狐峘述神道碑銘曰天祚聖唐降
賢救時烈烈魯公毓德膺期嚴峙玉真伊傳之
師文武忠信天子是昆亦旣升朝侃侃正色潤
我王度作藩於德賊爲豺虺流蔓下國公整王
旅殄掃妖慝解紛以和柔逆以忠萬里狂飈半
爲淳風君子知微遇變則通出全庶人入奏宸
聰乃副丞相是司喉舌周旋七命內外胥悅營
營青蠅不害其潔危行言遜保茲明哲用啟土
宇俾侯於魯式是百辟彝倫攸叙亂靡有定盜
擾淮浦帝曰汝賢代予宣撫孰不懷忠處死難
之於赫我公視險如夷猛獸斷斷履之不疑扇
彼薄俗惟緝惟熙昔人申伯作藩周室詩人歌
頌尚播聲律矧我文忠人之紀綱功侔四時節
貫雪霜煥乎立言沒而彌彰日居月諸垂範無

疆

允臧

字季寧歷太康尉制舉延昌令監察御史賜
 緋魚袋朔方衣資使郭子儀判官除殿中侍
 御史兄真卿上表謝肅宗批答云卿昆季連輝
 才聲并振俱守寒松之操允執後凋之心久冒
 艱危大節難奪安以憲臺之長克申白簡之威
 厥弟之遷亦為官擇人宜相勸勉各樹能名當
 代榮之出為櫟陽令時錄事有奸犯者君立榜
 殺之豪強惴恐一縣屏息遷侍御史轉大理正
 復拜侍御史兼太子中允廣德三年十月拜江
 陵少尹又兼侍御史充荆南行軍司馬屢詔徵
 入未行冬十一月五日卒累官至朝散大夫勳
 上柱國三子頗頽頽

晉卿

以下俱見志

邠卿

名卿

克國

質

侗

仍

倫

怡

振

震

翼

佶

徵之

滄之

亞立

守道不仕

舒

制舉長安尉

說

明經渭南丞

勝

進士左補闕

枹

范陽尉

式宜

進士

渾

太子通事舍人

方僑

進士宮門丞

茂齊

漢中司法

順

進士評事

四十一代

迢 一子傳贊

丞構 瀘川丞以下至韶八公見志

逸 好文辭武康令

邈 金水令

鏘 長安尉

安

交

絃 方義主簿劍南州判

韶 有才氣工詩策進士

泉明 孝義安平尉佐父開土門授左金吾兵曹遷鄆縣令

終彭城司馬五子誕証諒評誼

威明 父死事授太僕丞鄧州司馬東陽縣令三子註論詒

季明 祿山所害贈贊善大夫時年十八歲一子譔

翰明 一字幹公劉府果毅

祿山所害贈都水使者

通明 項城獲嘉二縣尉鄆縣丞

沛明

祿山所害贈尚食奉御

龔明

壽昌尉

徽明

秘書少監

德明

右衛兵曹叅軍二子說讚

翹

杲卿伯父死事任漢州戶曹丞通議令

仙期

右金吾大將軍贈鄭州刺史

準

宣州溧水尉四子富詢謹

謹

靚

監尉

靚

歷義清修武元和三縣令

三子諫

峴

解州巡官監察御史贊善大夫

評計

顥

仁和有政理遂州長史遂安常熟二縣令封金鄉縣男四子遇澁邁迥

慈明

仁順幹蠱都水使者一子傳興

頰

叔父遣奏事上文章授校

書郎

頰

秘書郎京兆功曹襲封金鄉縣男終楚州刺史

頊 大理寺少卿 南營田判官 頊 奉禮郎常熟簿安南太守任 城男

頎 江陵叅軍浚儀尉越州長史 鄒縣男 頎 常陽尉河南 令

頌 河東叅軍清河尉費縣男 一子温 頌 武功丞丹徒 令幹辦楊府

寺丞嶧縣男 三子沉渭注 願 朝邑尉萬年令 二子詬通靈

頔 右率倉曹櫟陽尉河東士曹沂 水男 頔 秘書正字涇 陽尉殿中侍

御史福州都團練判官 新泰男三子琮璋湘 頔 祿山所害贈 太子洗馬

頔 京兆叅軍歙州 錄事曲阜男 頔 富陽尉吳縣簿監察御史埤 橋院官

將明 綿州昌縣尉 以下俱見志 詡 祿山所害贈 右贊善大夫 翽 早逝

證 早逝

副昌 左武衛曹上柱國河東行軍兵馬使

覲 歿於蠻

覲 弘文進士 啟 温縣尉

顛 都水使者

顛 奉禮郎早逝 覲 鳳翔參軍

頓 早逝

頰 工隸書太子洗馬鄭王府司馬

顛 常州參軍撫州刺史

顛 河南府工曹校書郎

頰 明經大理司直

陵 防

克明 崇文生長林尉

四十二代

傳贄 一子旻

誕 祿山所害義王
諮議左庶子

証 以祖死事授左內倉曹歷大理少卿桂州觀察

諒 廣德尉正元六年註錄家狀

評 以祖死事授
兵曹歷新都

丞

誼 金曹尉

註 睦州建德丞

論

詒 頤王府錄事
參軍

諳

說

讚 監州刺史防禦使工部尚書
御史大夫一子紹

富

詢 乾符四年
登第

謀

謹

源

評

計

遇

澁 於潛簿

邁

迥

傳興 和州刺史

温 明昌令

沉

渭

注

訶

通靈

琮 同州韓城令

璋 海陵縣尉

湘 蔡州司馬參軍郎山尉

适 都水使者以下三公見志

謨 左府兵曹參軍

諗 河南參軍

四十三代

旻 五子君則君佐君雅君信君立

樓子

萊子

鈞

紹

滁州清流縣尉

從覽

開成元年以魯公孫特授殿中侍御史以下俱見志

弘式

同州叅軍

逸休

會昌六年登第鄭縣令撰文集傳於世

逸少

咸通六年甲科第二人左拾遺

四十四代

君則

君佐

金鄉丞一子文威

君雅

二子文蘊文鐸

君信

君立

四十五代

文威

五代隱魯之嶧山號虛中先生文集傳於世

文蘊

鄉貢進士

文鐸

贈太常卿平原節度副使

額其文剝落惟存篆額周贈太常卿顏公神道碑一子衍

四十六代

承祐

二子崇德仲昌

涉

鄉貢進士周太祖廣順二年行在曲阜以兗國公後特授

曲阜縣主簿四子匡朗

衍

字祖德戶部尚書林中石

匡密匡美匡贊

刻曰戶部尚書墓建隆三年立五子樞進朝知勉知謙卓

四十七代

崇德

仲昌

淳化二年講五經賜第終南
京判官以曾孫岐任執

政贈太子少保制曰孔子顏氏皆魯國之望孔子由秦漢以來本枝蟬聯文獻相屬而顏氏僅聞於宋齊之間至唐方顯今孔氏稍微矣而爾家三十皆有令聞為國光輝縉紳所慕豈聖賢之澤所行者遠其與也固有次第哉具官其言為人師行為世表以學從仕棲遲一官若子若孫前英後詰究觀垂慶其德可知爰因登俊之辰俾遂篤親之志加之峻秩振爾遺芳豈惟世家增譜牒之榮抑使士大夫知為善之報四子太初太易太元太冲

匡朗

匡密

匡羨

匡贊

檀
以父任為廵
官一子端
進朝
一子祚

知勉 一子悔

知謙 一子魯

卓

四十八代

太初 字醇之南京國子監說書號鳧嶧先生文集
傳於世以孫岐任執政贈太傅二子復公彌
隨

太易

太元

太冲

端 祥符元年帝行在曲阜以兗國公後特授郊社
齋郎終桂陽司理三子繼希紹

祚

悔

魯

四十九代

紹 進義校尉四子
廣唐康庚

五代

嶢 承務郎

岐 字夷仲詔察孝悌詞學賜出
身門下侍郎資政殿大學士

奉政大夫魯郡侯
建炎二年南徙

嶠 承務郎

嶠 承奉郎

嶠 朝奉郎

嶠 朝奉郎

峒 左朝奉大夫
越州監倉

嶼 登仕郎

嶼 敦武郎

略

嶷 以上俱
南徙

昌 五子成肇元
明文

擇 四子暉昕昉
守道

終 二子崇立

綱 一子伯琚

經 三子秀榮實

廣 一子福

唐 一子禧

康 一子祐

庚 一子祥

五十二代

成 三子仙俊和係庶長至五十二代在擎支後居滋陽縣

擎 一子价

元

明

文

暉

昕

昉

守道 俱無傳

崇 二子敏貴以下至實俱係

希孫

立 二子琮璠

伯琚 一子泉

秀

一子佐

榮

二子正仁

實

一子慶

福

一子俱係紹孫以下

禧

祐

祥

二子就仔

五十二代

价

一子順

仙

二子寬在

俊

一子玠

和

一子忠

敏

一子慶俱係義以下至希孫

貴

二子潤澤

瑞

璠

泉

一子信

佐

二子海平

正

一子誠

仁璋一子

慶讓一子

寘一子政以下俱係紹孫

就深一子

仔

五十三代

順寶進二子

寬英傑二子

在祐斌三子偉

玠珍一子孫

忠立一子

義一子遠以下至讓俱係希

潤飲伸二子

澤侃一子

信

海瑚璉二子

平璉瑤三子珉

誠珪一子

璋亨傲三子忠

讓欽一子

政 三子珣琳珂以 深 二子友父

五十四代

寶 四子和稊椿敬 和稊係椿庶兄至五十五代在椿支後

進 二子通升 英 一子種

傑 二子穆積

偉 太平鎮巡檢 祐 贈承事郎單父縣尹

斌 贈從事郎吉密縣尹 珍 一子金之際徙居

寧陽 泗臯 立 一子興 遠 以下至欽俱

飲 二子季稽 伸 字端甫寶慶路教授

頁三 疾音 卷之二 三

侃 二子
種稻

瑚 二子
龍攢

璉 二子
攢杯

珉 一子
稔

璣 字和甫三子
稔稱

璿 二子
植稂

珪 一子
穆

亨 任兗州同知贈承事郎
二子禾道

忠 三子
穢 穢

傲 三子
程穢

欽 三子
清聚 彦

珣 一子
俱係紹孫 積玉以下

琳 一子
稀

珂 二子
稼穡

友 一子
秩

父 一子
稗

五代

五十六代之誠孫權元末徙居鄆城縣
之裕孫格檜徙居東阿縣

椿 中書工部劄付監修祖廟提領
主奉祀事二子之才之美

和 一子
之元

稭 一子之晉

敬 工部劄付監修祖廟
提領一子之昱

通 三子之晡
之時之習

升 三子之晤
之克之普 种 字稚卿元至
大二年卒享

年六十七贈從事郎曲阜縣尹至正五年贈奉
政大夫太常禮儀院判官三子之恪之著之儼

穆 三子之曇
之昔之晰

積 贈從事郎濟寧路兗州滋陽
縣尹三子之晦之旭之暝

祕 三子之誠
之恭之昭

福 四子之貞之微
新之彰之秤 二子之堯
之希

稹 遷安縣教諭歷東平路教授獲嘉縣主簿授
承事郎汴梁路杞縣尹調河間路寧津縣尹三

子之遷之秦
之剛

秉崇 字德卿三子之方
之質之則

利 字義卿辛市縣教諭單州學正和寧路教授陵
縣主簿調武當縣主簿授益都路滕縣尹贈承

事郎同知泰安州事一子之弘温三子之景之杲之裕

興一子德

季

字魯卿一子之文以下至聚俱係希孫

稽

字順卿三子之簡之素之

表

稚

結

穰

字益卿陽穀縣教諭一子之用

稻

穰

二子之讓之訓

積

一子之怵

積

二子之延之衍

秭

一子之忱

稔

稔

一子之賡

稭

一子之奇

稱

二子之蕭之勗

稭

一子之適

稭

一子之術

稷

一子之收

禾

彰德路錄事司二子之載之權

儒學教諭

導

曲阜縣儒學教諭博興州學正東平路教授中山府知事魚臺縣尹河南府推官二子之凱之

敬

穢

三子之仁綱之紀

穉

二子之修之篤

稔

三子之恒之古之益

穉

二子之述之泰

程

二子之顯之智

稚

二子之遠之進

彥

三子之程之博之明

清

三子之滋之翰之堅

聚

四子之嘉之構之憲之鈞

積玉

字昭卿隆術鎮教授四子之德之義之榮之祖以下

俱係紹孫

稀

稼

穡

秩

三子之固之晟之問

稗

二子之昇之友



